

Predstavnici međunarodne zajednice pozdravljaju usvajanje Zakona o mirnom okupljanju u Brčko Distriktu BiH



Mi, Misija OSCE-a u BiH, Ured visokog predstavnika, Delegacija EU u BiH i specijalni predstavnik EU u BiH i Ambasada Sjedinjenih Američkih Država u BiH, pozdravljamo činjenicu da je Skupština Brčko Distrikta BiH danas jednoglasno usvojila Zakon o mirnom okupljanju.

Budući da smo u proteklih nekoliko mjeseci blisko sarađivali sa Radnom grupom Vlade Brčko Distrikta BiH koja je pripremila nacrt, usvajanje ovog zakona vidimo kao potvrdu predanosti predstavnika vlasti Distrikta radu na unapređenju zaštite osnovnih prava i sloboda svojih stanovnika, imajući u vidu da su relevantni međunarodni standardi poštivanja ljudskih prava ugrađeni u Zakon.

Sloboda mirnog okupljanja je osnovno pravo putem kojeg se jačaju demokratske države i mi smo spremni pružiti pomoć svim drugim vlastima u BiH da unaprijede svoje zakonske propise, u skladu sa evropskim i međunarodnim standardima. U ovom smislu, ističemo Zakon o mirnom okupljanju Brčko Distrikta BiH kao važan primjer najbolje prakse i model zakona koji osigurava poštivanje ljudskih prava u ovoj

oblasti.